

Schulke

*Emancipatie, dat is zo gek nog niet
Emancipatie is echt van dizze tied*

Nao dat mem emancipeerde
en zi'j heit et koken leerde
Nao dat heit gong raemen wassen
wodde et tied om op te passen

*Emancipatie, dat is zo gek nog niet
Emancipatie is echt van dizze tied*

Want now moest hi'j zwanger raeken
(ja, dat kan vandaeg' de dag!)
Moest hi'j henne te echo maeken,
raekten zien hormonen van slag

*Emancipatie, dat is zo gek nog niet
Emancipatie is echt van dizze tied*

Heit het alles now al klaor staon:
hempies, luiers, d'hiele kliek
Mem is al es mit hem mitgaon
puffen op'e gimmestiek

*Emancipatie, dat is zo gek nog niet
Emancipatie is echt van dizze tied*

Now lopt hi'j dan op et aende
het de kraomvrouw ok al beld
En hi'j zegt: now komt d'ellende:
bin'k nog jaoren ongesteld!

*Emancipatie, dat is zo gek nog niet
Emancipatie is echt van dizze tied*

tekst en muziek:
Jan Oosterhof